

سنه لکي در سعادت ایچون مجیده
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

فکر دیکر محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

در سعادت بدایت محکمه سی ایکنجی حقوق
داره سی ضبط کتبه سندن رفعتلو شرف الدین افندی به
رتبه ثالثه توجیه بیورلمشدر.

تجهیز و تحویل

قوصوه ولایتی محکمه فوق العاده سی باش کتابته
ایلبصان سنجانی بدایت محکمه سی اعضا سندن حق
افندی

ایلبصان سنجانی بدایت محکمه سی اعضا لغه
جسرا رکنه قضاسی بدایت محکمه سی اعضا سندن
صبری افندی

جسرا رکنه سنجانی بدایت محکمه سی اعضا لغه
اسقرا پار قضاسی بدایت محکمه سی اعضای سابقه سندن
نظمی افندی تعیین اولنمشدر.

محاکمه و مقدمات

محکمه تمیز استدعا دائره سندن تنظیم واعطا
قلنان اعلامدر :

قونیه ولایتی مرکز بدایت محکمه سی جزا دائره -
سندن استینافا لاحق اولوب ١٧ نisan سنه ٣٣٣ تاریخنده
تفهیم قلنان قراری حاوی ٢٨ مایس سنه ٣٣٢
تاریخی و ٧٥ عددلی اعلامک تمیزاً تدقیقی مستدعی
محکمه مذکوره مدعی عمومی معاونلکی طرفندن
ویریلان ١٩ مایس سنه ٣٣٣ تاریخلی استدعانا مه
واوراق متفرعه سی باش مدعی عمومیک مأموریت
بهیه سنک ٣ تموز سنه ٣٣٣ تاریخلی تبلیغنامه سی ایله
محکمه تمیز استدعا دائره سنه تودیع اولمش ولدی التدقیق
استدعانا مه مذکور مدت قانونیه سی ظرفنده

ویرلیدی اکلشلمش اولغله بالقبول تدقیقات تمیزیه
اجراسنه ابتدار قلندی.

اعلام مذکورک خلاصه مالی غورائل ورنه سی
طولاندر دینی ادعاسیله مظنون علیه اولان دامیوس
اوغلی یوان حقنده بدایت اجرا قلنان محاکمه و تدقیقات
نتیجه سنده مظنون مرقومک فعل مذکوره اجتراسی
کندوسنک اقرار مؤلی و میان اورا قده موجود
مذکره مندرجاتیله ثابت اولدیغندن جزا قانوننامه
هایوننک ایکی یوز اوتوز اوجنجی ماده سی موجب جبهه اوج
ماه مدتله حبسنه و برمجیده آلتونی جزای نقدی آلتسنه
دائر لاحق اولان حکم ابتدائی علیه محکوم مرقوم
طرفندن اعطا اولنان استیناف استدعانا مه سی اوزرینه
اجرا قلنان محاکمه و تدقیقات استینافیه نتیجه سنده
بدایت آرائه اولنان شهودک جلب واستماع لرینه قرار
ویرلمش ایکن استماع اولنماسندن ناشی اعلام ابتدائی
مذکورک فسخیله مندرجات اعلامه و صورت ادعایه
نظراً مظنون مرقومک فعلنده طولاندر یحییلق
شرایطی غیر موجود اولوب مسئله صرف مواد عادیه
حقوقیه دن عبارت بولنش اولدینی بیانیله مرقوم
یوانک طولاندر یحییلق فعلندن برائته و مستأنف علیه
بوابده حقوق محکمه سنه مراجعتده مختار یته قرار
ویرلیدیکندن عبارتدر.

لایحه تمیزیه ده اعلامک صورت فسخه نظراً
یکیدن اجرای محاکمه ایله تدقیقات مقتضیه قانونیه
اجراسی و حکمک اکا ابتناسی لازمه دن ایکن
بلا محاکمه بدایت محکمه سنک تقدیرات وجدانیه سنه
تعرضله برائت قراری ویرلمسی یولسز و مخالف قانون
ایدو کندن بخله اعلام مذکورک نقضی استدعا
اولنمشدر.

تبلیغنامه ده دخی لایحه تمیزیه ده اصول محاکمه جبه
نقضاتی تدقیقات وجهات سائره ده دائر در میان اولنان
اعتراضات بجا کورلمش اولدینی بیانیله اعلام مذکورک
نقضی طلب اولنمشدر.

ایجابی لدی المذاکره اعلام مستأنف به محکمه
استینافیه جبه اسباب قانونیه دن طولانی فسخ اولنش

اولمسی حسبیله تدقیقات مقتضیه ایفا و شهودی استماع
ایله تعیین ایده جک حاله کوره محکمه نک وظیفه سی
حقنده سرد اولنان اعتراضی فصل و مدعی عمومی
مقامنک مطالعه سی آلتدقندن سوکره اعتراض مذکورک
قبول ویا ردینه دائر بر قرار اتخادی لازم کلور ایکن
محکمه مذکوره جبه بعد الفسخ برکونه تدقیقات ایفا
اولنقسزین و نقاط مشروحه نظر اعتنایه آلتقسزین
مظنونک برائی و مدعی شخصینک محکمه عاده سنه
مراجعته مختاری صورتیله قرار ویرلمش اولمسی
یولسز و مخالف قانون بولندیغندن اصول محاکمات
جزائییه قانوننک اوچوز اون دردنجی و اوچوزاون
طقوزنجی ماده لرلی احکامنه توفیقاً بر موجب طلب
اعلام میزبهک نقضنه ١١ اغستوس سنه ٣٣٣ تاریخنده
اکثریتله قرار ویرلیدی.

٦٤٨ نومرو لی نسخه ده مندرج در سعادت

جنایت محکمه سی اعلامنک بقیه سی :

پارمق قپوده خفافلر ایچنده اون سکرز نومرو لی
دکانده صرافلق و بقاللق ایتدیکنی بیان ایدن یکرمی سکرز
یاشنده نیکده لی اغانانکیوس ولد لیغور و قعه کونی ساعت
بربحقی راده لرنده دکاننده بولندیغنی ائنده بر کورلتی
ایشیده رک باقدیغنده متهم محمدک سرعته کلوب آشجی
خاچیکی جرح ایتدیکنی کوردیکی و بشقه برشیدن
معلوماتی اولندیغنی افاده مضبوطه سی دائره سنده اخبار
و متهمک بچاغنی شمیدی کورسه طانیه مایه جفنی و شهادتی
حاضر بولنان متهمه عائد ایدوکی تذکار ایلدی.
متهم محمد سبب بیان ایتیه رک بوشاهدک شهادتی
قبول ایتیه جکنی سویلیدی.

قره کرکده کلیسا سو قاغنده اقامتله پارمق قپوده
مقر اصجیلرده قیوجی آرینک دکاننده قالفه لقی ایتدیکنی
ایان ایدن یکرمی ایکی یاشنده آستانه لی آغوب ولد بدروس
وقعه کونی ساعت بربحقی راده لرنده دکاننده ایشیه
مشغول بولندیغنی ائنده دکاننک جاملری صالانمسیله
قالقوب باقدیغنده متهم محمدک ائنده بچاق اولدینی حاله

اتصالدهکی بشارك دكاندن چیهرق کندوسنك دكانه کیره جکی صرده اسکمله بی قارشو طوقله دونوب کتدیکی وبقه برشیدن معلوماتی اولدیغنی افاده مضبوطه سنه موافق اوله ره درمیان ولدی السؤل متهمك الندهکی بیاغنی شمعی کورسه طانیه میه جغنی وشهادتی حاضر بولان متهم حقهده ایدوکنی اتیان ایلدی .

متهم سبب کوسترمه رله بوشاهدك شهادتی دخی قبول ایتمه جگنی سوبدی .

لنعهده آلاجه مسجده اقامته یارمق قوده بولکن خاننده قولتوقیلجی ایتدیکنی سوبلیان قرق بش یاشنده ویدینی محبدن صالح وقعه کونی ساعت بریحی راده لرنده بولکن خاننده اوطورمقدمه ایکن آشچی خاجیکک و برقاچ خطوه مسافه ایله النده بیاق اولدیغنی حالده متهم محمدک خانه کیره دک مذکور بیاقله خاجیکی اوموزندن اورمسيله آرقه سندن قوشوب طوته رق الدن بیاغنی آلدیغنی واورمه ککش اولان برپولیس مأموری ایله برلکده مرقومی قره غولخانه یه کتوردک لرنده یشارك مقتولا قره غولخانه ده یاتقمده اولدیغنی کوردیکنی مضبوط افاده سی موجبجه یاد و بیاق ارانه ایدلکده متهمك الندن آلدیغی بیاق و بیاق اولدیغنی وشهادتی حاضر بولان متهم حقهده ایدوکنی ایراد ایلدی .

متهم محمد بوشاهدك شهادته دیه جکی اولدیغنی اتیان ایتدی .

دیگر شاهد کدک پاشاده میر آلائی عزتو شاكر بکک خانه سنده اقامت ایتدیکنی ومقدما مقتول یشارك دكاننده چالشدیغنی واون طقوز یاشنده بروسه لی ایدوکنی سولیش اولان یحیی بن صالحک برماه مقدم بروسه یه کتیدیکی جلبنامه سی زیرنده محرر شرحدن اکلاشلمش ومرقومک بروسه نك هانکی جهته کتیدیکی کوسترلدیکندن استابه اصولیه افاده سنك ضبط ایتدیرلسی دخی غیر قابل بولنش اولدیغندن معاون موسی الهک طلیله افاده مضبوطه سنك قرائت ایتدیرلسنه متفقاً قرار وریله رك مرقومك افاده محلفه استنطاقیه سی اوقوتدیرلده وقعه دن برایی کون مقدم متهم محمدك یشارك دكانه کله رك یشار ایله یکدیگر ینك خاطری صوردفلری ووقعه کونی مرقوم محمدك دكانه بالورود اطاله لسان ایله بریقاچ چقاروب اوطوردیغنی محله یشاری کوکسندن جرح ایتدیکنی مشاهده ایلدیکنی مشعر کوردی .

بوشاهدك افاده سنه نه دیه جکی متهمدن صورلدقهده سبب بیان ایتمه رك قبول ایتمه جگنی سوبدی .

واقع اولان استیضاح اوزرینه طرفین توسیع تحقیقاته متعلق طلباری اولدیغنی سوبلریله تحقیقاتک

بولدن عبارت ایدوکی بیان اولدقهده معاون موسی ایله متهم محمدك بیاقله یشاری جرح و قتل ایلدیکی ومحمد ایله خاجیکی دخی یارلیدیکی شهادت ومعاینه راپوری مندرجاتی ودلائل وامارات ایله ثابت اولوب انجیق متهم ایله مقتول بینده خصومتک وجودینه دائر دلیل مادی موجود اولدیغندن متهمك بالتهور قاتل اولمق و دیگر لرینك دخی جارچی بولمق اوزره مجرمینه قرار ویرلسنی طلب وادعا ایلدی .

مدافعه وکیل کاظم افندی دخی موکلی علمندهکی شهادت یکدیگرینه مابین بولندیغندن قتل وجراحات حقهده قبول اولمه میه جغنی ومتهم ایله مقتول بیننده برکونه عداوت اولماسی موکلك قاتل اولدیغنه دلالت ایدم جگنی ویشار اوسته نك اعمال ایتدیکی بیاغک قضاء کندوسنه صابانسی محتمل بولدیغنی بالیان موکلك برائته وبوجهت قابل اولدیغنی صورتهده یشارك ابتدا دكاندن چقمسندن دکان دروننده متهم ایله مقتول بیننده منازعه ظهور ایلدیکی اکلاشلدیغنی جهته متهمك بالتهور قاتل اولدیغنه قرار ویرلسنی استدعا ومتهمه بر دیه جکی اولدیغنی انبا ایتلریله محاکمه نك ختام بولدیغنی تفهیم اوله رق مذاکره اوطه سنه کیدلدی .

محاکمه مضبوطه دن استنتاج اولنان دلائل ویناته واوراق تحقیقیه مندرجاتی سراپا مطالعه وتدقیق اوله رق استطلاع قلسان اماراته امعان نظر وراهین موجوده خلاصه وتعداد اوله رق جریان ایدن مذاکرهده بیاجقی یشارک بازید جوارنده یارمق قوده مقتول ومحمد ایله خاجیکک محروح اولسندن طولای اتمام ایدیلان قهوه چی محمد ذکر اولنان قتل وجرحلری کندوسی ابقاع ایتدیکنی سرده قیام ومدافعه وکیل ده برطاق مدافعات درمیانیه موکلك برائته وبوجهت قابل اولدیغنی صورتهده بالتهور قاتل اولدیغنه قرار ویرلسی بولنده افاده مرام ایللریله فصل کیفیت کیریشلده کده متهم محمدك مقتول یشار ومحروح آشچی خاجیک ومحمدک کندوسی علمنده سوز سوبلدکلرندن ومقراصجیلر جاده سنده پروکارلق وقهوه جیلک ایتکده ایکن دكاندن چقمسنه سبب اولدکلرندن طولای وقعه کونی علی الصباح یشارك دكانه بالدخول حامل اولدیغنی بیاقله یشاری جرح ایلدیکنی تحقیقات ابتدایه اثنا سنده واقع اولان استجوابنده طایعاً اقرار وبوافاده سنه نه دیه جکی صورلسی اوزرینه معرض جوایده سکوتی اختیار ایتسنه ومع الین استماع اولنان شاهدلردن قومیسر محمد علی وعبد الکرم وشریف افندیلر ایله فیضی بک متهم محمدك قره غولخانه ده وقعه یی معقب استجوابی اجرا قلندقهده مقتول یشار ایله خاجیک

ومحمدک کندوسنك علمنده سوز سوبلدکلرندن وقهوه خانه دن چقمسنه سبب اولدکلرندن واسعی فونوغرافه قویوب محله آرسنده چالدفلرندن طولای یشاری جرح ایتدیکنی طوعاً اعتراف واقرار وبولردن فیضی بکک متهمك النده بیاق اولدیغنی حالده خاجیکی بالتعقیب اوموزندن جریحه دار ایلدیکنسه ومصطفی بن احمد ایله بروسه یه کتیدیکی جهته افاده سی اوقونان یحیی بن صالحده وقعه کونی مقتول یشارك دكاننده چالشدیغنی ائشاده متهم محمدك دكانه بالدخول یشاره اطاله لسان ایدرک بریقاچ چقاروب یشاری اوطوردیغنی محله کوکسندن جرح ایله دكاندن چقیدیغنه شهادت وقوندره قالیجیسی حاجی مفر ایله خپارسوم دخی متهم محمدك النده بیاق اولدیغنی حالده دکالرنه بالدخول مذکور بیاقله آرقه سندن محمدی واغانانکیوس وقولتقی محمدده متهم مرقوم محمدك خاجیکی تعقیب ایدرک بیاقله اوموزندن جرح ایتدیکنی کوردکلرنه دائر اخبار کیفیت ایللرینه ومقتول یشارك صدرینک صاغ جانی اعلاسنده اوچنی ودرنجی مسافه بین الضلعیه سی اوزرنده وعظم قصک حافه یناسنه مصادف محلنده اوچی سیوری برطرفی کسکین بر آلت قاطعه ایله حاصل ایکی بیقی ساتیمترو طولنده برجرحه کورلیدی ومرقومک مذکور جرحه سندن متأراً وفات ایلدیکی ومحمدک صاغ طرف ناحیه ظهیره سی اوزرنده آلت قاطعه ایله حاصل بریقی ساتیمترو طولنده برجرحه کوریلرک اون بش کونده یوزالی غروش اجرته التیام بولدیغنی وخاجیکک صول عضدی ثک علوی السینده آلت قاطعه ایله حاصل ایکی بیقی ساتیمترو طولنده عمقی عضلات درونه قدر تمتد برجرحه کوریلوب مذکور جرحه نك یکرمی کونده ایکی یوز غروش اجرته کسب التیام ایتدیکی طیب راپورلرنده اشعار قلمسندن ناشی آثار جرایمکده میدانده بولسنه نظرأ مدافعه نك مذکور قتل وجرحه لرک فاعلی متهم مرقوم اولدیغنه معطوف جهاتی ومتهمك انکار وتأویلاتی غیر مقبول اولغله متهم قهوه چی محمدك ۳۳۳ سنه سی جزیراننک یکرمنجی چهارشنبه کونی بازید جوارنده یارمق قوده بیاجقی یشاری بیاقله جرح و قتل ومحمد ایله خاجیکی دخی جرح ایتدیکی تحقق ایدوب انجیق قتل مذکوری بالتصور ابقاع ایلدیکی حقهده موجود اولان احوال تأمین وجدانه غیر کافی وچونکه متهمی تصوره سوق ایدهلک اسبابک موجود اولماسی ومرقومک اطاله لسان ایدرک فوران غضبه جرح و قتل ابقاع ایلدیکی شاهدلردن مصطفی ویحی طرفلرندن اخبار ایدلسی تعدد احتالاتی نافی اولدیغندن متهم مرقوم محمدك قتل یشاری بالتهور قتل ایتک ومحمد ایله

خاجیکی جرح ایتک فعللرینک فاعلی اولمق اوزره مجرمینه متفقاً قرار وریله رك محاکمه اوطه سنه عودته قرار مذکور علناً قرائت وبیان اولدقهده معاون موسی ایله مجرم محمدك قانون جزانك یوزتمش دردنجی ماده سنك فقره اولاسی حکمنه توفیقاً تعیین جزاسنی طلب وادعا ومدافعه وکیل ایله مجرمده دیه جکلری اولدیغنی انبا ایتلریله بوجهت حقهدهکی محاکمه نك دخی ختام بولدیغنی تفهیم اوله رق تکرار مذاکره اوطه سنه کیدلدی .

جهت جزاییه حقهده دخی مذاکره کیفیت اولدقهده مجرمی قی قرار آلتنه آلتنه انسان محمدك حرکتی اعظم جرمی اولان قتلدن طولای قانون جزانك یوزتمش دردنجی ماده سنك فقره اولاسه موافق ومذکور فقره [بریکسه من غیر تعدد برشخصی اتلاف ایتش ایسه اون بش سنه مدته کورکه وضع اولنور] عبارته ناطق اولدیغندن بوققره حکمنه توفیقاً وابتدای توفیقی اولان ۳۲۵ سنه سی جمادی الآخره سنك یکرمی یدنجی کوندن اعتباراً مرقوم محمدك اون بش سنه مدته کورکه قولسنه ومحمد ایله خاجیکی جرح ایتک جزاسنك قتل جزاسنه انقلاب ایتدیکنه واعلام وضبط واستنطاق خرجلری اولان جماعاً یوز الی غروشک دخی کندوسندن بالتحصیل عدلیه وزنه سنه تسلیم ایتدیرلسنه ۳۳۳ سنه سی تشرین اولنک وتوز برنجی کونی قرار وریله رك اصول تفهیمی ایفا قلندی .

مخبران و شایسته های

وادی المعجم قضاسی نائب و بدایت محکمه سی رئیس صادق میدان افندینک زبدانی قضاسی نیاننده بولدیغنی ائشاده وظیفه مأموریتی سوء استعمال ایلدیکی سوریه ولایتی استیفاف محکمه سی مدعی عموکلندن وارد اولان اوراق تحقیقیه محتویاتندن اکلاشلمسته مبنی رفقای معلومه سیله برلکده حقهده تعقیبات قانونیه ایفاسنه عدلیه نظارت جلیله سنجه مآذونیت وریله رك مذکور مدعی عموکلک تبلیغات مقتضیه اجرا ورئیس موسی الهک کیفیت محاکمه سندن طرف عالی مشیختنای یه ده معلومات اعطا ایدلشد .

ترمه قضاسی نای و بدایت محکمه سی رئیس صالح افندینک حقوقه عائد برماه ده امور مأموره سی سوء استعمال ایلدیکی طر بزون وقسطونی ولایتلری عدلیه مقشکلکندن وارد اولان اوراق تحقیقیه مندرجاندن اکلاشلمسته مبنی اجرای محاکمه سنه

عدلیه نظارت جلیله سندن مآذونیت وریله رك مذکور مدعی عموکلک تبلیغات لازمه اجرا وکیفیت محاکمه سندن طرف عالی مشیختنای یه ده معلومات اعطا قلمشدر .

اعلانات

درسمات جنایت محکمه سنه:

نعم بکک ساحلخانه سندن آلت مخصوصه استعمالیه اشیا سرقت ایتدیکی ادعاسندن طولای متهم وموقوف بولنان بدری بکک شریک تهمتی اولوب حرقه شریفده آق شمس الدین محله سنده یکی باغچه جاده سنده اون ایکی نومرولی خانه ده اقامتله دیون عومیه اداره سنه ملازمه دوام ایتکده ایکن فرار ایدن عزیز افندی ابن احمد دردست ایدیه مامش اولدیغندن تاریخدن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفنده مرقوم محکمه یه کلدیکی حالده قانونه اطاعت ایتماش نظریله باقیله رق حقوق مدنی دن اسقاط قلنه جغنی وعلهنده دعوا یه قیام اوله جغنی ومحاکمه غیایه سی ائشاده اموالنک جز آلتنه آلتنه جغنی وبوصرهده برکونه ادعا یه حق اوله میجغنی وبالمجه ضابطه عدلیه مأمورلرینک کندوسی طومعهو بولدیغنی محلی بیلنلرک خبر ویرمه مجبور بولندقلری امری اعطا ومعاملات حمزیه حقهده دخی مدعی عموکلک تبلیغات مقتضیه اجرا ایدلدیکی جهته اصول محاکمات جزاییه قانوننک اوچوز یتش برنجی و اوچوز یتش ایکنجی ماده لرندن استنباط اولنان احکامه توفیقاً اشبو قرارنامه بالتظیم اعلان اولنور .

جنایت حمزیه محکمه سنه:

درسمادته باغچه قپوسنده کائن تجارتکاهلرنده محمد توفیق عبود افندی وشرکانک مقدماترکه جیده استانبول اولتی اقامتکاه اثخا ایتش والیوم اقامتکاهی مجهول بولنش اولان مانیفاطوره چی تریانده فیلی جامه دانی ذمتده امره محرر برقلعه سندن موجبجه مطلوبی بولنان قرق بش عدد ایرای عثماننک مع گذشته ومصارف محاکمه واجرت وکالت تحصیلی وسرکه جیده اسکوب اولنده براوطه دروننده موجود ومذکور اوتل اوطه یاشیسی حافظ افندی یه مودوع بولنان مانیفاطوره یه متعلق اموال واشیاسی اوزرینه موضوع حمزیه تصدیقی خصصرلرنه دائر تجارت بحزیه محکمه سنده اقامه ایلدیکی دعوی اشبو ۳۲۳ سنه سی شباطنک یکرمی یشنجی کونی ساعت اتی راده لرنده

فصل ورؤیت اولنه جغندن یوم مذکورده مدعی علیه مرقوم تریانده فیلی جامه دانی نک بالذات محکمه ده حاضر بولنش ویاخود مصدق سنده بروکیل کوندرمسی لازم کله جگنی وشاید کزن ووکیل دخی کوندرمز ایسه اصول محاکمه حقوقیه قانوننک مواد مخصوصه سی موجبجه معامله غیایه اجرا اولنه جغنی مین علی الاصول تنظیم اولنان دعوتیه ورقه سی محکمه نك دیوانخانه سنه تعلیق قلندی کی کیفیتک اوراق حوادث واسطه سیله دخی اعلاننه ابتدار قلندی .

استانبوله مارپوشجیلرده مقیم تحفه تجارتیه مشغول لئون مشولام وبرادری شرکتک ۲۴ کانون ثانی سنه ۳۳۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمنتده اعضای محکمه دن عزتو ایوب صبری بکک ژور قومیسر ودعوی وکیللرندن ایساق میرزای افندی نك موقت سندیک تعینلرینه ومغازیه سیله اشیا زائده بیته سنك تمهرینه واوراق ودفاترینک جلیله وكفالت مصدقه ارانه ایده مدیکی تقدیرده حبس وتوفیغه وبوبادهکی قرارک موقتاً اجراسنه تجارت بحزیه محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره اشبو ۳۳۳ سنه سی شباطنک طقوزنجی جمعه ایرتسی کونی ساعت یدی راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کلری اعلان اولنور .

محمود پاشاده کائن مغازه سنده ساکن ایکن تجارت بحزیه محکمه سندن افلاسنه حکم اولنش اولان فوکیون موطافیدیسک خصوصات افلاسیه سنك رؤیت وتسویه سی ضمنتده دعوی وکیللرندن عثمان طلعت بک اصالة سندیک تعین قلمش اولدیغندن مفلس مرقوم ذمتده آله جغنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایللری ومدت مذکور ختامندن صوکره اوچ کونده یعنی ۳۳۳ سنه سی شباطنک اون ایکنجی صالی اون اوچنی چهارشنبه واون دردنجی پنجشنبه کونلری تجارت بحزیه محکمه سنك مصالح افلاسیه رؤیته مخصوص اوطه سنه کله رك سندیک افندیلر مواجهه سنده آله جقلری اثبات وقید وتصدیق ایتدیرملری ومدت مذکورده اثبات وجود ایدمیان آله جقلولر حقهده قانون مذکورک ۲۱۰ نجی ماده سنه توفیقاً ایضای معامله اولنه جغنی اعلان اولنور .

اعلانات شرعية اجرا دائره سنده :

اسما زكيه خاتمك زوج سابقى على كالى افندى
ذمتده با اعلام شرعى آلهجنى اولان مبالغ معلومه نك
تأمين استيفاسى ضمتده مديون موسى اليهك عهده سنده
اولوب محجوز و اعلام نظامى ايله فروختى محكوم بولنان
باب على قربنده نعلو مسجد محله سنده كلخان زقاغنده
واقع عدليه خانى ديمكه معروف مكرر ايكي نومرو ايله
مرقم برباب خاندن كي نصف حصه شايه سنك اشبو تاريخ
اعلاندى اعتباراً اون بش كون صوكره بالزايده
فروخته تشبث اولنه جفتدن طالب اولوب پي
سورمك و اطرافليجه معلومات آلىق ايستينلرك مدت
مذكوره ختامندن صوكره در سعادت اعلامات شرعية
اجرا دائره سنده مراجعت ايللرى اعلان اولنور .

محكمه تجارت اجرا دائره سنده :

سر كجيد استانبول او تلى مستأجرى ايليا
واقيادينك اليوم اقامتكاهى مجهول بولنان مانيفاطوره
تجارندن تر ياندا فيلوس جامندا كي ذمتده مطلوبى
اولان يوز عدد ليراي عثمانينك مع گذشته و مصارف
محاكمه مرقومدن تحصيلنه و مبلغ مزبور مقابلنده
مرهون اولوب محكمه جه مهر آلتنه آلتان اموال
معلومه نك بيع و فروخته دائر ايكنجى تجارت
محكمه سندن لاحق اولوب صورتى غزته لرله اعلاناً
تبليغ قلنان ۱ كانون اول سنه ۳۳۳ تاريخلى
و ۶۶۵ نومرولى اعلام غيايى موقع اجرايه وضع ايله
تنفيذ حكيمى طلب و استندا قلمش ايدوكسندن
مدعى عليه مرقوم تاريخ اعلاندى اعتباراً طقسان بر
كون ظرفنده دائره اجرايه اثبات وجود ايله تسويه
دين ايتسى و مدت مذكوره ختامنده اثبات وجود ايله
ايفاي دين ايتديكي تقديردن حكم اعلامك اجرا
واموال مرهونه نك بالزايده فروخته اتمان حاصله سندن
اداي دين ايتديريله جكي معلوم اولق اوزره تنظيم
ايديلان اخبارنامه مديون مرقومك اقامتكاهى مجهول
بولنق حسيله اصول محاكمه حقوقيه قانونك يكرمى
التجى و اجرا قانونك يكرمى طقوزنجى ماده لرى
احكامنه توفيقاً مرقوم تر ياندا فيلوس جامندا كي به
تبليغ ايدلمش عد اولنق اوزره محكمه تجارت اجرا
دائره سنى ديوانخانه سنده تعليق اولنديكى كجى غزته لر ايله
دخى اعلاننه ابتدار قلندى .

و ۹ و ۱۱ و ۱۳ و ۱۵ و والده چشمه سى زقاغنده
۳۳ و ۳۴ و ۳۶ و ۳۸ و ۴۰ و ۴۲ و ۴۴ نومرولر
ايله مرقم اولوب حد انتقالى توسيع قلمش مقدما
اوچييك سكر يوز التمش بش ذراع برقطعه عرصه
واليوم دروننده معين محل اوزرينه مبنى كار كير آخور
و آرابه لى و فوقنده قسماً اخشاب خانه بوندن اقدام
موقع مزايده قونيله رق ليراي عثمانى يوز غروش
حسابيله اوتوز بيك غروشه طالبى عهده سنده قلمش
وچن حزينان رومينك اوتوزنجى جمعايرتسى كونى
اجرا اولنه جنى غزته لرله اعلان ايديلان صوك مزايده
معامله سنك اشبو شباط رومينك اون التجى جمعايرتسى
كونى اجراسى قرارلشديرلمش اولديغندن مذكور
املاكه يوزده بش ضم ايله طالب اولانلرك و اطرافيله
معلومات آلىق ايستينلرك بدل مزايده نك عشرينه
مساوى پي اچقه سيله برابر يوم مذكوره قدر محكمه
تجارت اجرا دائره سنده مراجعت ايللرى و يوم
مذكورده ساعت اونه قدر مذكور املاك پيشگاهنده
مأمورى مواجهه سنده حاضر بولنلرى دائره مذكوره دن
اعلان اولنور .

قواله تجارت محكمه سنده :

افلاسي حكم آلتنه آلتان قواله ده مقيم فراتلى
نسيم شركتلك خصوصات افلاسيه سنك رؤيت و تسويه سى
ضمتده دعوى و كيللرندن ياقو ذكى و تجارندن ياقو
مولحو افنديلر اصالة سنديك تعيين قلمش اولدقلرندن
مفلس مرقوم ذمتده آلهجنى اولانلرك قانوننامه تجارتك
۱۹۹ و ۲۰۰ نجى ماده لرى موجبجه تحقيق ديون
ايچون تاريخ اعلاندى اعتباراً يكرمى بر كون ظرفنده
سنداتى محكمه كاتبنه تسليم ايللرى و مدت مذكوره
ختامندن صوكره اوچ كونده يعنى ۳۳۳ سنه سى
شباطنك دردننجى و بشنجى و التجى كونلرى قواله
تجارت محكمه سنك مصالح افلاسيه رؤيته مخصوص
اوطه سنده كلهرك سنديك افنديلر مواجهه سنده
آله جقلرينى اثبات و قيد و تصديق ايتديرملرى و مدت
مذكورده اثبات وجود ايدمى آله جقلولر حقنده
قانون مذكورك ۲۱۰ نجى ماده سنده توفيقاً ايفاي معامله
اولنه جنى اعلان اولنور .

ساقز تجارت محكمه سنده :

هراوچى نفس ساقز قصبه سى متمكنلرندن و تبعه
دولت عليه دن اولوب مركز اداره لرى نفس ساقز
قصبه سنده اوله رق مشتركاً اجراى تجارت ايتكمده
بولنان يوركى و ميخايل و استيفائى ولدان نيغولى
ديوماتارى برادرلرى نام شركتلك ۱۰ كانون ثانى سنه

۳۳۳ تاريخندن اعتباراً اعلان افلاسيه و مصالح
افلاسيه نك رؤيت و تسويه سى ضمتده اعضاى محكمه دن
پنايوط افنديك ژور قوميسر و دعوى و كيللرندن
علكساندرو بوجانى و حسين الهامى و برنجى صنف
تجارندن لئونيدا ميخالو افنديلرك موقت سنديك تعيينلرينه
و مغازه لريله اشياى زائده بيتهلرينك تمهيريته و اوراق
و دفاترينك جلبه ايكي يوز ليرالى و كفالت مصدقه ارايه
ايدمى مدكلرى تقديردن حبس و توقيفلرينه و بوبابده كي
قرارك موقتاً اجراسنه ساقز تجارت محكمه سنجه قرار
يرلمش اولديغندن قانوننامه تجارتك ۱۷۰ نجى ماده سى
موجبجه دائمى سنديكلر انتخاب اولنق اوزره اشبو
۳۳۳ سنه سى كانون ثاينسك يكرمى التجى جمعايرتسى
كونى ساعت القى راده لرنده اصحاب مطلوبك محكمه
مذكوره نك مصالح افلاسيه رؤيته مخصوص اوطه سنده
كللرى اعلان اولنور .

اذميد سنجايى بابت محكمه سى اجرا دائره سنده :

اذميدده قاضى چلبى جامع شريفى متولى سى حافظ
حسن افنديك اذميدده تابع باغچه جك ناحيه سنك
آندرياس محله سنده كل آغوب اوغلى قره بت كريمه سى
و صوغمان آرتين اوغلى سر كز زوجه سى ماريچيه ذمتده
آلهجنى اولان مبالغ معلومه نك تأمين استيفاسى ضمتده
حجز آلتنه آلتان محله مذكوره ده برادرى مغرديچ
و مرط و بغوص طورونى خانه لرى و طرفينى طريق عام
ايله محدود يوز التمش بش نومرولى نصف خانه اوچ
بيك و قريه دروننده اطراف ثلثه سى پاپوشجى هاجى
استيان باغچه سى و طريق عام ايله محدود برقطعه باغچه
ايكي يوز اللى و ديكر برادرى آرتين و باجلى صوغمان
و قره بت باغلى و طريق عام ايله محدود برقطعه باغچه
ايكي يوز و ديكر ، جزيل اوغلنده برادرى مغرديچ
و سورب اوغلى مغرديچ و جزيل اوغلى باغچه لرى
و طريق عام ايله محدود برقطعه باغچه ايكي يوز و ديكر
بالاشمه موقعنده برادرى مغرديچ و آراب اوغلى
و كوله سر اوغلى باغچه لرى و طريق عام ايله محدود
برقطعه باغچه ايكي يوز غروشه طالبى عهده سنده تقرر
ايتمش اولديغندن يوزده بش ضم ايله طالب اولانلرك
تاريخ اعلاندى اعتباراً اوتوز بر كون ظرفنده دائره
اجرايه مراجعتله پي سورملرى و مدت مذكوره
انقضاسنى متعاقب قرار قطعيلى كشيدده قلنه جفتدن
آندن صوكره ضم قبول اولنيه جنى اذميد سنجايى
بدايت محكمه سى اجرا دائره سندن اعلان اولنور .